

suffultus nemo pervenire poterit, quae nos de terrenis tollat ad caelestia. Nihil 798—802
 saepius in hac vita nostrae peregrinationis animo meditemur, nisi qualiter redemptori
 et iudici nostro placeamus, scientes, quod hic semper non erimus, sed in alia quadam
 vita semper erimus. Quam miser est, qui de huius mortalitatis labore, in maiorem in-
 5 mortalitatis^a perveniet^b laborem; et quam felix est, qui de hoc labore transiet in
 requiem, cuius nullus erit umquam finis. Proinde non transitorias amemus divitias^c,
 sed semper manentes. Dominus Iesus non nobis promisit honores transeuntes, sed
 perpetuos; non gloriam terrenam, sed caelestem; non hic longevitatem vitae, ubi
 peccato nascimur, labore vivimus, dolore morimur; sed in beatitudine perpetua aeter-
 10 nam nobis promisit vitam; et non perituras spopondit divitias, sed semper permanentes:
 huius vero saeculi divitiae bonis malisque communes esse videntur, quibus boni bene
 utuntur ad augmentum salutis sibi sempiternae, mali vero male utuntur eis ad perdi-
 tionem sui. Illud vero promisit dominus Deus caritate ferventibus, quo^d nihil beatius
 esse poterit, id est perpetuam suae beatitudinis visionem, ad quam mundato corde
 15 festinandum est, sicut ipsa veritas ait: 'Beati mundo^e corde, quoniam ipsi Deum vide-^{Matth. 8, 9.}
 bunt'. Mundi sunt videlicet corde, quos nulla cuiuslibet malitiae macula conturbat,
 qui casta mente Deum laudare caelestibus hymnis adsuescunt. Hi angelicam in terris
 agunt vitam, qui in Dei laudibus laetantur et psalmodiae puro corde delectantur.
 Nullus¹ mortalium virtutem psalmorum pleniter explicare poterit. In his confessiones
 20 peccatorum, in his paenitentiales lacrimae excitantur, in his conpunctio cordis reno-
 vatur; nam totus psalmorum liber caelestibus redolet mysteriis^f, spiritualibus abundat^g
 praeceptis, divinis repletus est laudibus. Quicumque psalmos intenta mente decantare
 et scrutari^h didicit, inveniet in eis omnem salutis nostrae dispensationem praedictam,
 miras caelestium iocunditates gaudiorum.

25 Proinde, sanctissime pater, hortare fratres sanctos eorum diligenter discere sensus;
 ut sciant et intellegant corde, quid ore et lingua resonent; apostolico imbutiⁱ exemplo,
 qui de se ipso^k dixisse legitur: 'Psallam spiritu, psallam et mente: orabo spiritu, orabo^{1. Cor. 14, 15.}
 et mente'. Verba siquidem cantantis mens meditetur intellegentis, quia Domino pate-
 scunt cogitationes singulorum, qui cor contritum et humiliatum in prece ad se claman-
 30 tium non spernit. Sicut quidam^l sapientium ait: 'Humiliati preces caelum ascendunt'.^{cf. Eccli. 35, 21.}
 Humilitate et misericordia Christi salvati sumus, qui ait: 'Discite a me, quia mitis^{Matth. 11, 29.}
 sum et humilis corde, et invenietis requiem animabus vestris'. Qui misericordiam
 facit, miserebitur illius Deus, ipso Domino dicente: 'Estote misericordes, sicut et^{Luc. 6, 36.}
 pater vester caelestis misericors est'. Imago Dei, ad quam reformamur in mente, in
 35 misericordiae maxime stat operibus, pro quibus sanctis et iustis regnum promittitur
 aeternum, dum discernentur agni ab haedis^m, ad audiendam vocem desiderabilem summi
 regis et iudicis in sede paternae maiestatis sedentis: 'Venite benedicti patris mei,^{Matth. 25, 34.}
 percipite regnum, quod vobis paratum est ab origine mundi'ⁿ.

^a) mortalitatis *I.* ^b) lab. perv. *I.* ^c) divicias *I.* ^d) quod *I.* ^e) mundi *I.* ^f) misteriis *G, I.*
 40 ^g) habundat *G.* ^h) scrutare *C, E, G, I.* ⁱ) inbuti *I.* ^k) ipse *I.* ^l) quidem *G, I.* ^m) edis *C, G, X, I.*
ⁿ) *versus om. G.*

1) Cf. quae Alvinus in praefatione libri de psalmorum usu de hac re similia praebet (*Opp. ed. Quercet. col. 213, ed. Froben. II, 21*): Nullus itaque mortalium potest nec verbo nec mente virtutem psalmorum, si non superficie labiorum tantum, sed intenta mente in omnipotentis Dei laudem canun-
 45 tur, explicare. In psalmis itaque invenies, si intenta mente perscruteris et ad spiritalem intellectum perveneris, Domini verbi incarnationem passionemque et resurrectionem atque ascensionem. ... In psalmis invenies intimam confessionem peccatorum tuorum et integram deprecationem divinae atque dominicae misericordiae.